

Vischnaunca politica Andiaast

Radunonza communal dils 23 d'ust 2013

Presents: 17 vischinas e vischins d'Andiaast e la suprastonza communal

1. Beinvegni ed elecziun dils dumbravuschs

President communal Sievi Sgier fa in cordial beinvegni. Sco dumbravuschs vegnan Priska Capaul e Lucas Sgier proponi ed elegi unanimamein. Encunter la gliesta da tractandas dat ei neginas objecziuns.

2. Prelecziun ed approvaziun dil protocol dils 8 da zercladur 2013

Il protocol dalla davosa radunonza communal dils 8 da zercladur 2013 vegn prelegius ed approbaus unanimamein cun la suandonta amplificaziun tier la tractanda 3. Decisiun davart il project d'ennevar Infra Breil-Vuorz-Andiaast SA:

Las pendicularas BVA SA contribuescha ils emprems 10 onns in tscheins annual ell'altezia da frs. 100'000.00 alla Infra BVA SA per saver far diever dils indrezs d'ennevar. Silsunter s'augmenta il tscheins per maximalmein frs. 50'000.00

3. Quen communal 2012

a) Presentaziun dil quen

Il quen current 2012 siara suenter expensas da frs. 1'192'770.81 ed entradas da frs. 1'200'894.70 cun in surpli d'entradas da frs. 8'123.89. Amortisaziuns ordinarias e supplementaras sin la facultad administrativa e finanziaria ein vegnidas pridadas avon ell'altezia da total frs. 155'280.40.

Il quen d'investiziun 2012 siara suenter expensas da frs. 242'619.25 ed entradas da frs. 47'651.00 cun in surpli d'entradas da frs. 194'968.25.

b) Rapport dalla cumissiuin da gestiun

La cumissiuin da gestiun propona tenor rapport dils 28 da matg 2013 alla radunonza communal dad approbar il quen 2012 e la bilanza per ils 31-12-2012 sco era da dar scarica als officials da vischnaunca ed all'administraziun.

Dil quen communal 2012 ei medemamein vegniu priu investa entras igl uffeci da vischnauncas a caschun dalla revisiun dils 25 da matg 2012.

c) Approvaziun dil quen e dar scarica als officials da vischnaunca

Unanimamein vegn il quen communal 2012 approbaus. Medemamein vegn dau unanimamein scarica als officials da vischnaunca ed all'administraziun.

4. Revisiun parciala dil regulativ da taxas dalla vischnaunca d'Andiast

Sin fundament d'entginas remarclas el rapport intern dalla cumissiun da gestiun sco era sin giavisch dall'administraziun communal ha la suprastanza communal elaborau ina revisiun parciala dil regulativ da taxas che preveda las suandontas midadas :

II. Aquaduct

Art. 5

Vegl : Baghetgs renovai pagan tenor l'investiziun sebasond sil schazetg dall'assicuranza da baghetgs.

Niev : Vegn la valeta nova tenor il schazetg uffical augmentada entras midadas da construcziun posteriuras eis e da pagar in supplement. Quel vegn calculaus sil surpli dalla valeta. (Nova valeta nova minus veglia valeta nova indexada). Ei vegn buca tschentau quen per taxas sut frs. 20.00.

III. Canalisaziun

Art. 8

Vegl : b) renovaziuns 1% dall'investiziun tenor schazetg

Niev : b) renovaziuns 1% dalla summa tenor artechel 5

IV. Taxas e castitgs per carrar sin vias da funs

Art. 11

Vegl:³ Possessurs da habitaziuns pagan ina taxa da frs. 30.- per habitaziun.

Niev:³ Possessurs da habitaziuns e tegias da cuolm habitablas pagan ina taxa da frs. 30.- per habitaziun.

Punct 4 digl artechel 11 vegn annullaus.

Art. 12

Niev: Di da tagl ei ils 30. d'avrel digl onn current. Persunas ch'ein da quei datum en possess da schischom ein obligai da pagar la summa per igl entir onn current. La vischnaunca tschenta en quen neginas taxas pro-rata.

VI. Taxas d'ustria

Igl artechel 16 vegn annullaus cumplettamein.

Votantas e vontants approbeschan unanimamein la revisiun parciala dil regulativ da taxas.

5. Damonda da credit per l'ulivaziun dalla sperdita dall'associaziun da consum Andiast

Ord plirs motifs suandabels ha l'associaziun da consum Andiast stuiu notar els davos onns ina sperdita da total frs. 10'539.65. La sperdita ei cunzun da menar anavos sin igl inventari ella stizun a Vuorz. En in scriver tschenta l'associaziun allas vischnauncas d'Andiast e Vuorz la damonda d'ulivar la sperdita cun ina contribuziun finanziaria. Per la vischnaunca d'Andiast muntass tala contribuziun alla mesadad dalla sperdita, pia frs. 5'269.85.

Votantas e vontants fan diever dalla discussiun e decidan cun 17 vuschs gie e 4 vuschs na da conceder il credit necessari.

6. Damonda da credit per la sanaziun dallas vias da quartier

Il biro d'inschigniers Cavigelli, Glion ha sin incarica dalla suprastanza communal elaborau in project per la sanaziun dallas vias da quartier. Las vias ein calculadas cun ina fundaziun e plania da ~0.5m ed ina cozza da catram da ~10cm. La summa brutta dil schazetg da cuost munta a frs. 600'000.00. Per las duas vias da Curtginatsch (frs. 94'322.00) e baselgia (116'149.35) ha la suprastanza gia incaricau offertas. Tenor precalculaziun dallas ulteriuras vias aunc buca offeridas muntass la summa a ca. frs. 402'000.00.

Ord il miez da votantas e votants vegn pretendiu da conceder il credit mo per las vias gia offeridas e da dumadar credit per las ulteriuras cura che las offertas ein avon maun. Sco secund vegn proponiu da scursanir il credit total sin 500'000 damai che las vias gia offeridas ein per ca. 100'000.00 pli favoreivlas che calculau.

Cun 17 vuschs gie e 2 vuschs na vegn la proposta per in credit total da frs. 500'000.00 approvada.

7. Damonda da credit per la contribuziun per meglieraziun alla circumstanza da habitar

En scriver dils 10 da fenadur 2013 tschenta igl uffeci d'agricultura e geoinformaziun dil cantun Grischun la damonda per ina contribuziun communal per il baghegiar social en connex cun il project da baghegiar da Rico Schlosser e Flurina Candinas. La contribuziun totala munta a frs. 60'000.00. Da quella summa contribuescha il cantun Grischun ina cumpart da 40%. Per la vischnaunca munta la contribuzin a 10%, pia frs. 12'000.00.

Votantas e votants voteschan a scret cun in resultat da 10 vuschs gie e 10 vuschs na. In scret da votar vit ed in nunvaleivel. Damai ch'il resultat ei ulivs dat il president giu sia vusch da tagl e decida aschia en favur dalla damonda da credit.

Amplificaziun tier la tractanda 7

Artechel 25 dalla constituziun communal secloma sco suonda:

Igl uffeci da dumbravuschs e salter va tenor vegl uorden en roda. La radunonza da vischnaunca sa numnar ulteriurs dumbravuschs. Las votaziuns succedan per regla tras pli maun. 5 votants san pretender scrutini.

Tier votaziuns tras pli maun, decida il surpli dallas vuschs. En cass d'ulividad dallas vuschs dat il president la spartgida. Tier votaziuns en scret decida il surpli dallas vuschs valeivlas. Cedels vits vegnan buc dumbrai. En cass d'ulividad dallas vuschs ei la proposiziun fiersa.

Ord quei motiv ei la damonda da contribuziun per la meglieraziun dalla qualidad da viver en la muntogna refusada cun 10 vuschs gie e 10 vuschs na.

Finiziu dalla radunonza allas 22.00 uras.

Andiast, ils 23 d'uost 2013

Il president:

Il canzlist:

Sievi Sgier

Gian Carlo Albin